

Broj: 02D-653-3/26

Sarajevo, 16.01.2026. godine

Na osnovu odredbi člana 69. stav (1) tačka b), a u vezi sa stavom (2) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24) i člana 27. Statuta Javne ustanove Opća bolnica „Prim. dr. Abdulah Nakaš“, u postupku javne nabavke radova: **Renoviranje prostora hirurške intenzivne njege, građevinski i ostali radovi na jedinicama intenzivne njege/2**, JN 94/25, direktor je donio

ODLUKU
o poništenju postupka javne nabavke

Član 1.

Poništava se postupak javne nabavke radova: **Renoviranje prostora hirurške intenzivne njege, građevinski i ostali radovi na jedinicama intenzivne njege/2**, koji je proveden putem otvorenog postupka, evidencijski broj nabavke JN 94/25, s obzirom da nijedna od primljenih ponuda nije prihvatljiva.

Član 2.

Ova odluka objavit će se na web stranici Javne ustanove Opća bolnica „Prim. dr. Abdulah Nakaš“ – www.obs.ba.

Član 3.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02C-9618-2/25 od 23.07.2025. godine. Komisija za nabavku, imenovana je Rješenjem broj: 02C-9618-5/25 od 01.09.2025. godine. Javna nabavka je sprovedena putem otvorenog postupka, JN 94/25.

Procijenjena vrijednost iznosila je 480.000,00 KM bez PDV-a.

Obavještenje o nabavci broj: 1125-1-3-394-3-419/25 objavljeno je na portalu Agencije za javne nabavke dana 09.10.2025.godine, a u „Službenom glasniku BiH“ br. 61/25 dana 17.10.2025. godine.

Komisija za javnu nabavku u postupku predmetne nabavke roba, dostavila je direktoru Javne ustanove Opća bolnica „prim. dr. Abdulah Nakaš“, Zapisnik o pregledu i ocjeni ponuda broj: 02D-653/26 od 15.01.2026. godine, Preporuku o poništenju postupka, broj: 02D-653-1/26 od 15.01.2026. godine i Izvještaj o radu broj: 02D-653-2/26 od 15.01.2026. godine.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljena 1 ponuda,
- da je blagovremeno primljena 1 ponuda,
- da nije bilo neblagovremeno primljenih ponuda,
- da je ponuda ponuđača „RADIS“ d.o.o. nepravilna

- Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Ponuda ponuđača „RADIS“ d.o.o. odbacuje se kao nepravilna u skladu sa odredbama člana 68. st. (4) tačk (i), a u vezi sa članom 2. stav (1) tačka 1) podtačka 3) Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), jer nije u skladu sa zahtjevima iz tenderske dokumentacije iz sljedećih razloga:

U svrhu dokazivanja tehničke i profesionalne sposobnosti koja je tražena tačkom 3. Tenderske dokumentacije ponuđač „RADIS“ d.o.o. dostavio je u ponudi spisak izvršenih ugovora u kojem su navedena dva ugovora i to:

1. Izgradnja poslovno-proizvodnog objekta „TVC“ d.o.o. Goražde (izvođenje građevinsko-zanatskih radova i elektroinstalacionih radova), investitor: TI – TERMOENERGETSKI INŽENJERING d.o.o. Sarajevo,
2. Rekonstrukcija, dogradnja i nadogradnja administrativnog objekta sa promjenom namjene u objekat za smještaj studenata u Istočnom Novom Sarajevu (radovi su obuhvatali izvođenje građevinsko-zanatskih radova i elektroinstalacionih radova).

U prilogu spiska izvršenih ugovora dostavljeno je sljedeće:

- Preporuka, broj: 101-07/01 od 01.07.2024. godine izdata od strane firme „Termoenergetski inženjering“ d.o.o. Sarajevo
- Potvrda broj: 32-319 od 11.06.2024.godine izdata od JU „Studentski centar u Lukavici“ Istočno Sarajevo – Lukavica.

Analizom dostavljenih dokaza utvrđeno je da se Preporuka, broj: 101-07/01 od 01.07.2024. godine ne može smatrati relevantnim dokazom, budući da se radi o preporuci, a ne potvrdi/uvjerenju koje ima karakter javne isprave u smislu člana 169. Zakona o upravnom postupku („Službene novine Federacije BiH“ broj 2/98, 48/99 i 61/22). Također, ista ne sadrži sve elemente propisane u Obrascu potvrde o uredno izvršenim ugovorima – Aneks 13 TD.

Prilikom pregleda Potvrde broj: 32-319 od 11.06.2024.godine izdate od JU „Studentski centar u Lukavici“ Istočno Sarajevo – Lukavica utvrđena su neslaganja i to u pogledu ugovornih strana, vrijednosti ugovora i roka izvođenja radova, odnosno podaci o navedenom iz dostavljene potvrde odstupaju od podataka koji su dostupni u zvanično objavljenom ugovoru i pratećoj dokumentaciji, a koja je dostupna na Portalu javnih nabavki (Obavještenje o dodjeli ugovora br. 517-1-3-89-5-16/21, te Obavještenje o dodjeli ugovora broj: 517-4-3-25-4/23).

Cijeneći naprijed navedeno, dostavljena Preporuka broj: 101-07/01 od 01.07.2024. godine i Potvrda broj: 32-319 od 11.06.2024.godine ne mogu se smatrati vjerodostojnim dokazima da ponuđač ispunjava tehničku i profesionalnu sposobnost traženu tačkom 3. TD, zbog čega se ponuda odbacuje kao nepravilna.

Komisija za predmetnu nabavku, jednoglasno je predložila da direktor Bolnice donese Odluku o poništenju postupka za: **Renoviranje prostora hirurške intenzivne njege, građevinski i ostali radovi na jedinicama intenzivne njege/2**, obzirom da nijedna od primljenih ponuda nije prihvatljiva.

Iz navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24), odlučeno je kao u članu 1. ove odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:


Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava
Stručni saradnik za javne nabavke

Kontrolisala:

Aldijana Ećo Ajkunić, BA prava
Šef Odsjeka za javne nabavke



DIREKTOR

Prof. dr. Ismet Gavrankapetanović

Dostaviti:

- „RADIS“ d.o.o., radis.doo@gmail.com
- Odjeljenje za ekonomsko finansijske poslove
- Odjeljenje za tehničke poslove i investicije
- Odsjek za javne nabavke